

نسخه سی و هفتمین و شصت و دومین

اداره خانه سی : آقامرایده
ملا کورانی محله سنده مهتر
سوقاغنده ۳ نومرولوخانه

مرکز توزیعی :
باب عالی جاده سنده (اتحاد
تجارت) کتبخانه سی

آبونه بدلی :
سنه لکی ۶۰ غروش
آلتی آلتی ۳۰ »

محفل

۱۳۳۸

علمی ، ادبی ، اجتماعی و شیمیایی
شهری مجموعه در

۱۳۴۱ ربیع الاخرینه مخصوص نسخه

صاحب ، مدیری ، محرری :



اسلامك نفعنه خادم مقالات
مع التشر قبول ونشر اولونور
يازانك شخصيتي دكل، يازينك اهميتي
نظر دقتنه آلتينور .
كلن يازيلردن شايان قبول كورولنلر
تامام ميراسيله درج ايديلر .

عدد : ۳۰

جلد : ۳

مضمرجات :

محفل دینی و علمی : تترك حكمت شرعيه سی — اسكییلی عاطف افندی . علم هیئت و انسانلر — محمد عزت بك

محفل ادبی : آناطولی آفاق اسلامده كونشدر — بسیم بك

محفل تاریخی : احديه حرکاتی — مسعود بك مستجابی زاده عصمت بك — سعود المولوی بك

هز صه تبریک

بزرگ ملت مجلسه انتخاب ایدیلش اولان خلیفه جدید عبدالمجید حضرتلرینه محفل مجموعه سی ده تبریکات و تعظیمات خالصانه سی عرض و تقدیم ایلر و زمان خلافتنا هیلرینک امت محمد حقنده دوره رفاه و ترقی اولماسی بارگاه مطلقدن استدعا ایدر .

محفل دینی و علمی

تبریک حکمت شرعی سی

۱

شریعت مطهره احمدیه نك احکامی، بین الناس و قوعی محتمل اولان شرور، مفساد و مضاری ممکن اولدینی قدر دفع و ازاله ایتک اوزره بنا قیلنمشدر . ارککلر ایله قادیلرک اختلاطی و یک دیگرلرینه نظرلری عشق و محبتی تهییج و تحریک ایلوب اکثریا افعال غیرمشروعه طلبنه وسیله و سبب اولدینی ایچون حکمت شرعیه بویابک سد و بندینی اقتضا ایلشدر . آنک ایچون دین جلیل اسلام فحشی منع ایلدیکی کبی مقدمات و وسائل فحشی ده منع ایتیش و اولدیکی مقاله لرده بیان اولندینی اوزره ایکی نوع تستر فرض قیلنمشدر .

ارتکاب فحش جزای اولق اوزره شرع شریف طرفندن حدود، تعزیرات وضع اولندینی کبی، وسائل فحش طرفنی قیامق اوزره ده تستر وضع اولنمشدر که احکام مذکوره تماماً تطبیق ایدلک شرطیله افراد مسلمین ارسندن فحشک ممکن مرتبه رفع و ازاله سی تأمین ایدلش اولور . (افراد بشریه آرسندن ازاله فحش، حدود، تعزیرات و تستر ایله دکلدر، انجیق علم، تربیه و تصفیة اخلاق ایله اوله بیلیر) دیه و قوعبولان اعتراضه جواب اولق اوزره دیرزکه وسائل فحش اولان شیرلی متممات مدنیت نامی ویره رک ترویج ایلین مدنیت حاضره نك تلقیح ایلش اولدینی اخلاق و تربیه عمومیه حاضره اساساً افراد بشریه آرسندن فحشک رفع و ازاله سی دکل، نشر و تعمیمی اقتضا ایدر و ایدیور .

ذاتاً قلوب بشره مخافة الله القا ایده میان هر نوع علم و تربیه افراد بشریه یی شرور و مفساددن منع ایده چک اخلاق فاضله وجوده کتیره هنر. مخافة الله

القا ایلین تربیه اسلامیه، اخلاق دینه بین البشر ازاله فحش و دفع مفسدت ایچون یکانه عامل اوله بیلیر سده فطرت بشریه ده مرکوز اولان قوه غضبیه ایله قوه شهویه یی هر فردده حد اعتداله کتیروب دائماً او وضعیتده بولندیرمه نك امکان و قوعیسی اوله میه جغندن هر فردک اخلاقی تصفیة ممکن دکلدر که یالکمز بو واسطه ایله عموم افراد بشریه آرسندن فحش و مفسدت ازاله ایدیله بیلسون . اوت تصفیة اخلاق ده ازاله فحش ایچون بر طریقدر . فقط اوفضیلت ایله متصف اولانلره منحصر قالیر . وقوعات تاریخیه بزه کوسترییور که هر عصرده افراد بشریه نك پک آزی تصفیة اخلاقه انصاف ایدوب اکثریسی بو فضیلتدن محروم قالمشدر . آنک ایچون اعصار و ازمانک فتنه و فساددن خالی اولدینی کورلش دکلدر . ایشته تصفیة اخلاق طریقله کسب صلاح ایمان بو اکثریت بشریه یی وسائل ماده ایله طریق صلاحه سوق و اجبار ایتک اوزره شرایع انیحدود و تعزیرات و ارباب عقول قوانین جزا وضع ایتمشدر .

تسترده وسائل ماده ایله ازاله فحش اسبابندن بر سیندر . دیمک اولور که دین جلیل اسلامده ازاله فحش و رفع مفسدت ایچون هم وسائل معنویه و هم وسائل ماده نظر اعتباره آلمشدر که هر ایکسینک تکاملی ایله مقصد تماماً تأمین ایدلش اولور .

اسکلی محمد عاطف

علم هیئت و انساندر

علوم و فنون کل یوم مظهر ترقیات اولوب عالم مجهولیت رفته رفته جبر حدود ایلکده و بر مغای حقیقت استحصالیه هر شی ده مقصود و مستور اولان سرفطرتیه تقرب اولنمقده در .

صحنه عالمده بر تنوع جدید ارائه سندن خالی

قالمايان حادثات متنوعه ووقایع بنی نوعمزی ده کتاب کاشانی مطالعه و تفکر در آزاد بر اقامه کرده.

انسان پیشگاه انظارنده هر صحیفه سی آجیق اولان کتاپ معظم کاشانی تدقیق ایتمکله ساده بدنا دکل، فکر آدخی یاشار. بوايسه بر حیات مضاعفه دیمکدر. حیات بشریه بی تعذیب و اندیشناک ایدن آمال متنوعه و اختراصات میاننده بوکبی تفکرانک روحی تسکین و تسلیه خصوصنده بیوک بر تأثیری وارد. ارباب علم و تتبعه خفی اولمیه جفی اوزره انسا نلره فساحت آباد کاشان ایچنده نروده بولندقلرینی ونه کبی اشیا آراسنده یاشادقلرینی بیلدیرن و هر کون برر صورتله منجلی اولان خوارق و بدایعک اسباب انکشافیه معانی و مفاهیمی و بونلرده مکنوز اولان اسرار فطرتی انسانلره تعلیم ایدن علم هیئت، علوم و قنون حاضره نك الك کوزلی اولمقله برابر بشریته بیوک فائده لرده تأمین ایدر.

اعتقاد بجه علم هیئت قدر روح و فکره علویت بخش ایدن، نجومک وضعیت و حرکاتیه صانع لم یزل حقنده متفکرینی دائره اذطان و تفکره دعوت ایله بن هیچ بر علم یوق کیدر. هر نوع تعلیمک بالجله محاکاتک اسالاسی اولان بو علم ابتدائی نی تحصیل ایتک هر کسه واجبه در. بومعلومات ایدنلر مکسزین یایله حق تدقیقاتده و یورودوله جک محاکاتده شمه حقیقت اولمیه جفی کبی هر شیئک مناظری ده غلط رؤیتدن قور توله ماز.

ذاتاً بنی بشر بودوجه لطیف منظره سیله و حیرت انکیز ابعادی ایله تمیز ایدن اشیا و مکنونات آراسنده یاشامقده اولمسنه نظراً بو محیط و محتویاتی ساده جه تماشا دکل، آنلرک نه اولدقلرینی ده فهم و ادراک ایله مک ایسته مسی پک طبیعیدر. ذکای بشر نفوذ و تفکر ایچون خلق اولندیفی جهته انسانا عادی بر حیوا وضعیتنده براقه ماز. بر حیوان اوت ییدیکی بر تارلاده بواوئک نصل ثابت ایتدیکنی ادراک ایده مزسه ده فطرتک امتیازینه مظهر اولان انسان ایچون بواوله ماز. ارض اوزرنده یاشایورز

دکلی؟ اول امرده بوارض نه در؟ نه شکله در؟ نروده موضوعدر؟ - سما نه در؟ گوندوز و کیجه نه دن حاصل اولور؟ سطح ارضده کی اقالیم مختلفه و مواسم نه لر در؟ کونش ضیاسیله اطرافیزی تنویر و حرارتیله نری تسخین ایتمکده در. کونش نه در؟ نروده در؟ ارضه اولان بعد و مسافه سی نه در؟

برسای ظلمت انگیزده لطیف مهتابی و روحواز التماعاتیله سطح ارضی تنویره چالیشان قمرک هر آقشام وجوه و مناظرنده کورولان تبدلات و تحولات نه در؟ - کواکب نصل شیلردر؟ ایشته بر صورت طبیعیه ذهمنره تبادر ایدن بوسؤاللرک کافه سنک جوابلرینی تحری و تدقیقه انسان مجبوردر و بو کونکی علوم قادرو سنده علم هیئت بو مسائلک حلی ایله مشغولدر.

انسانلر هر کون علم هیئته مشغول اولدقلری حالده بونک فرقنده سیله دکلردر. نته کیم بر آرقدا شمزه بو کون آیک قاجیدر دیه صور دیغمزده هیچ سبه یوقدرکه بر علم هیئت سؤالی صور مش اولوروز. چونکه تقویمدن بحث ایدن علم هیئدر. شو حالده تاریخک اساسی ده علم هیئت محتویدر.

ساعتنره باقملم. ینه علم هیئت ایله مشغول اولوروز دیمکدر. چونکه بو کون معلومزدرکه ساعت سیاره ارضک محوری اطرافنده کی حرکت یومیه سیله و شمسک مختلف نصف النهارلردن مرور یله احداث ایدلمش بر واحد زماندر. بر میوه اله آله لم. بر چیچک قوقلایه لم. بر بوغدا ی تارلاسی تماشا ایده لم. قیشین بر صوبه قار شوشنده ایصینه لم. بونلرک کافه سی شمس مدخردن باشقه برشی دکلدر. بر فنجان قهوه ایچلم. بالکنز دوشونه لم که محل قهوه بی کشف ایدن بحر یون مشقری سیاره سنه عائد بیکلرک خسوفنی تدقیق ایده رک و دکزلرده طول تعیینی قواعدینه واقف اوله رق انسانیت خدمت ایتشلردر. مابعدی وار